

建甌縣志 卷之五

選舉誌

薦舉 武舉

進士 例貢

舉人 封典

貢生 八秩

自漢沿周制鄉舉里選有孝廉明經茂才等科



士科歷代因之其專工八股則自宋熙寧始從此相業吏

治胥由此出薦舉則偶見不常行我

朝崇文右武隆重科目人才之盛超越前朝吾甌自康熙二年

癸卯開科科甲相繼凡身在庠序者仰沐

聖天子作人之化宜爭相鼓勵以策名盛世而比隆前徽也苟

上以實求而下以名應可乎作選舉誌

薦舉

明

王文質普寧鄉人洪武四年舉人材任澤州州判

孫執中清溪鄉人洪武十年舉通經任撫州府知府

孫瑜執中之子洪武十五年選舉能吏歷官戶部左侍

郎贈戶部尚書

孫冕瑜之子由胄監守城有功歷官戶科給事中

進士

宋

何禧龍池鄉人紹興年間進士

楊森東蒙上鄉人寶佑四年進士與文天祥同榜

明

弘治庚戌科

童瑞安鄉人三年進士歷官工部尚書

丙辰科

鄭思紀安仁鄉人九年進士

正德甲戌科

孫甫東蒙上鄉人九年進士歷官大理寺寺正

嘉靖戊戌科

趙正學東蒙上鄉人十七年進士歷官河南按察使

萬曆丁丑科

趙楷東蒙上鄉人五年進士歷官雲南副使道

崇貞庚辰科

潘登貴安仁鄉人寄州學十三年進士任江南定遠縣知

縣

皇清

康熙癸巳恩科

余光祖開遠鄉人五十二年進士初任江南安東縣知縣

特旨陞補江南亳州知州

舉人

明

永樂

車興清溪鄉人乙酉鄉試歷官戶部郎中

劉瑄安仁鄉人乙酉鄉試任順德府通判

苟成安仁鄉人戊子鄉試任興國州知州

盧福普寧鄉人戊子鄉試

朱琮普寧鄉人甲午鄉試

劉昶清溪鄉人辛卯鄉試歷官廣東道監察御史

李恭清流鄉人辛卯鄉試

周 祥清溪鄉人丁酉鄉試

費 廣清溪鄉人丁酉鄉試

羅 璠清流鄉人庚子鄉試

柳 青安仁鄉人庚子鄉試

馮 鼎清溪鄉人癸卯鄉試

楊 卿普寧鄉人癸卯鄉試

宣德

楊 政清流鄉人乙酉鄉試

景泰

劉 瑞普寧鄉人寄州學庚午鄉試任神木教諭

成化

王伯琦東蒙上鄉人乙酉鄉試任宜都縣知縣

李 本癸卯鄉試任黃陂縣知縣鄉分缺

弘治

童 瑞安仁鄉人己酉鄉試見進士

那 綸清流鄉人乙卯鄉試歷池州府同知

鄭思紀安仁鄉人乙卯鄉試見進士

袁 寬龍池鄉人甲子鄉試任涇州學正

正德

趙 時東蒙上鄉人丁卯鄉試歷官太僕寺少卿

孫 甫東蒙上鄉人丁卯鄉試見進士

嘉靖

趙正學東蒙上鄉人戊子鄉試見進士

聶汝器清溪鄉人辛卯鄉試任唐縣知縣

胡名學紫雲鄉人辛卯鄉試任黃州府通判

譚 忠普寧鄉人丁酉鄉試歷任河間府同知

聶汝孝清溪鄉人庚子鄉試任公安縣知縣

周時望清溪鄉人辛酉鄉試

李春先進寶鄉人甲子鄉試歷任清平三泊知縣

萬曆

趙 楷東蒙上鄉人癸酉鄉試見進士

崇貞

陳天佑清溪鄉人庚午鄉試有傳

熊惟經東蒙下鄉人丙子鄉試

潘登貴安仁鄉人寄州學巳卯鄉試見進士

皇清

康熙

黃道修龍池鄉人二年癸卯鄉試

包蒙吉開遠鄉人五年丙午鄉試

楊 蒧清流鄉人二十二年癸亥補辛酉鄉試歷任湖廣

宜章縣知縣

田嘉穗清流鄉人三十五年丙子鄉試任保寧府劍州學

正

余光祖開遠鄉人四十七年戊子鄉試見進士

余輝祖開遠鄉人廷柱之子光祖從弟五十二年癸巳恩

科鄉試

雍正

陳純開遠鄉人元年癸卯恩科鄉試任山西孟縣知縣

劉可清流鄉人二年甲辰補癸卯正科鄉試

廖大鯤安仁鄉人四年丙午鄉試

袁公裳龍池鄉人七年巳酉鄉試

黃暉嶸普寧鄉人十年壬子鄉試

乾隆

康如封東蒙鄉人住本城元年丙辰恩科鄉試任漢州學

正

黃璋龍池鄉人元年丙辰恩科鄉試

余臺開遠鄉人光祖之子三年戊午鄉試

楊長泰龍池鄉人住本城六年辛酉鄉試

何生玉清溪鄉人九年甲子鄉試

李 拔進寶鄉人住本城在之後九年甲子順天鄉試

貢生

明

洪武八人

牟 成東蒙上鄉人北京勞州衛經歷

張 珪清溪鄉人湖廣黃陂縣縣丞

張 壽安仁鄉人任邵陽縣典史

胡 海清溪鄉人深州州判

趙文義東蒙上鄉人通道縣知縣

潘文友東蒙上鄉人涼州衛經歷

潘 希東蒙下鄉人青州府檢校

金 迪紫雲鄉人

永樂十三人

馮 翥普寧鄉人

馮 鴻東蒙下鄉人 睢寧縣縣丞

張 堅東蒙上鄉人

姜 麟安仁鄉人

朱 宣東蒙上鄉人

吳 信普寧鄉人

費 明清流鄉人

康 亨清流鄉人

傅 弘清流鄉人

張 俊東蒙下鄉人

劉 哲清流鄉人

魏 清龍池鄉人

周 相開遠鄉人

宣德四人

吳 英安仁鄉人

段 新東蒙上鄉人

聶 澄清溪鄉人

敖 隆開遠鄉人

正統九人

張宗東蒙上鄉人潛江縣訓導

謝忠清溪鄉人

謝庸清溪鄉人吉安府經歷

費恭東蒙上鄉人沅陵縣知縣

劉聰東蒙下鄉人衡州府經歷

湯澄龍池鄉人漢陽縣知縣

何彪東蒙下鄉人任經歷

戴升開遠鄉人武岡州學正

陳和開遠鄉人

景泰七人

吳軫東蒙下鄉人興平縣知縣

趙昱龍池鄉人

曾孟章東蒙上鄉人嘉興縣知縣

曾孟常東蒙下鄉人辰州府教授

李茂東蒙上鄉人安縣主簿

黎鵬東蒙上鄉人

杜經龍池鄉人服羗縣訓導

天順四人

張壽東蒙下鄉人休寧縣縣丞

朱鳳翔普寧鄉人新昌縣縣丞

謝昌東蒙上鄉人

李孜開遠鄉人甘泉縣縣丞

成化十四人

湯良龍池鄉人

李厚普寧鄉人江夏縣主簿

郭新東蒙上鄉人蘄水縣縣丞

郭崇清流鄉人

周岐清溪鄉人海寧縣縣丞

周鳳鳴龍池鄉人鄧州州同

周謙龍池鄉人金吾衛經歷

謝珪開遠鄉人

毛倫東蒙上鄉人

魏冠龍池鄉人沅陵縣縣丞

丁軒開遠鄉人

張祥東蒙上鄉人

何廷器普寧鄉人任石樓教諭

歐清清溪鄉人浙江崇德縣縣丞

弘治十二人

魏伏盛龍池鄉人靖州訓導

李 清東蒙下鄉人鄂縣訓導

謝 琛清溪鄉人 孝友方正 養親不仕

羅 文開遠鄉人

車 述清溪鄉人

敖 鸞開遠鄉人

趙 新龍池鄉人

熊 盛開遠鄉人

李 常東蒙上鄉人茂之子任寧遠訓導

金 剛紫雲鄉人

趙 寬安仁鄉人

清溪鄉人

正德九人

魯宗周龍池鄉人

方 寬開遠鄉人攸縣主簿

聶 俊清溪鄉人

彭光政開遠鄉人

張 儒東蒙上鄉人

李 燮清流鄉人

湯 甫普寧鄉人

謝 瑄清溪鄉人

王 佑東蒙下鄉人

嘉靖二十六人

劉 傳清溪鄉人通渭縣縣丞

周大器清溪鄉人

楊廷賢普寧鄉人

郭惟一東蒙上鄉人

王世傑東蒙上鄉人婺源縣縣丞

周 德開遠鄉人

劉 穎清溪鄉人

李 芄東蒙上鄉人

魏文衡龍池鄉人

趙正心東蒙上鄉人時之子

李文敷紫雲鄉人

周 瓊普寧鄉人絳州學正

劉川之東蒙上鄉人

魯國賓龍池鄉人

聶汝恭清溪鄉人石屏州學正

李 沛普寧鄉人

黃 惠東蒙上鄉人陝西城固教諭

李 繼鄉分

缺

王 賞世傑之子荊州府教授

蔡朝宣清流鄉人均州學正

江正邦清溪鄉人

王 罷東蒙下鄉人

胡 鯤紫雲鄉人任興山訓導

趙 遷東蒙上鄉人長寧縣教諭

譚士奇忠之子

養母不仕
鄉評推重

車崇智清溪鄉人文縣訓導

隆慶三人

鄒翔鳳東蒙上鄉人恩選休寧縣丞

李子幹東蒙上鄉人青神縣教諭

趙 偉東蒙上鄉人琪縣教諭

萬曆三十三年

王嘉政安仁鄉人寧夏衛教授

屢舉
鄉飲

李 宣清流鄉人鳳翔府教授

屢舉
鄉飲

李加碩開遠鄉人

聶 棻汝器之子副榜准貢太平府推官陞柳州府通判

遇例晉階齒德俱優

屢舉
鄉飲

田子德東蒙上鄉人

養高不仕
屢舉鄉飲

李逢期進寶鄉人松游衛教授

李頤晉安仁鄉人

朱伯傳安仁鄉人施州衛訓導

蕭松開遠鄉人

史仲清進寶鄉人

蔡應期任服恙教諭

張志仁安仁鄉人

湛應泰士奇之孫副榜准貢興國州州判瞿塘衛經歷

湛鈇忠之孫膺選入監以聽選卒於京邸

聶樟杖之弟南鄭縣教諭

余學東蒙下鄉人榮經縣訓導

萬夫望清溪鄉人

陳士重東蒙上鄉人

楊鳳儀龍池鄉人順慶府教授

邵可學開遠鄉人建昌衛訓導

唐邦彥東蒙下鄉人蒼溪縣訓導

孫一鳳東蒙上鄉人甫之孫興文縣教諭榆林衛教授

彭起鰲開遠鄉人

董仕東蒙上鄉人

周寧清溪鄉人

鄒起翎東蒙上鄉人

物類彙編
周遇元龍池鄉人

羅燦紫雲鄉人

蕭對廷清溪鄉人

彭起隆開遠鄉人

熊相東蒙下鄉人陝西米脂教諭

聶文捷清溪鄉人

天啓三人

車應明清溪鄉人

魯維訓

嚴泰東蒙下鄉人合州學正

崇貞八人

李枉進寶鄉人逢期孫選貢歷山東兗州府張秋通判

瘡莊烈之難在永寧寨中不食而卒

李植進寶鄉人春先子

周鰲

李極

王倚楫普寧鄉人丹稜縣教諭

周正龍池鄉人遇元子拔貢明末甲申殉節

李大年植之子

劉安國清溪鄉人

國朝

康熙二十三人

黃憲珠龍池鄉人

何文英清流鄉人石泉安縣訓導

朱洪喬安仁鄉人廣元永寧訓導

楊起傑龍池鄉人潼川州訓導

彭煜開遠鄉人

張鳴岐安仁鄉人新津縣訓導

梅觀清流鄉人

鮑隆安仁鄉人遵義府訓導

廖霞映安仁鄉人

楊茲清流鄉人

何其昌清流鄉人

李和鼎開遠鄉人

張汝翼清流鄉人任江津縣訓導

余文元清流鄉人恩貢資陽縣教諭

傅楷清流鄉人

胡佐鈺安仁鄉人

張天儀開遠鄉人

向大學龍池鄉人任樂至縣訓導

易簡安仁鄉人

黎昭清溪鄉人富順縣訓導

聶誠瑗清溪鄉人

何元亨清溪鄉人寄馬湖府學

余為楨東蒙鄉人恩貢

康洪道東蒙鄉人

雍正

劉可清流鄉人元年副榜見舉人

田洪志清流鄉人拔貢

周長亨東蒙鄉人

朱洪祚安仁鄉人

周懋功東蒙上鄉人住城內六年拔貢赴京朝考候選教

論

彭其位紫雲鄉人

陳述謂開遠鄉人

屈煥彩龍池鄉人住城內十二年拔貢赴京朝考劄監考

准縣丞職銜

乾隆

楊宗溥清溪鄉人元年恩貢

胡重德清流鄉人

楊本健安仁鄉人

李拔進寶鄉人

住城內

五年拔貢赴京

朝考劉監中九

年甲子科順天鄉試

余懿耀開遠鄉人

黃文秀龍池鄉人

黃廷秀龍池鄉人

聶鎬紫雲鄉人

楊承紀安仁鄉人九年甲子科副榜

彭世英清流鄉人

羅天霖清溪鄉人寄學宜賓

武科

古者選將無專科目漢永和三年詔舉武猛任將帥者始有選舉之例及李唐遂設武舉科郭汾陽由此出身而功業震天壤信為得人宋明雖復舊制而待之少遜是以將略無聞焉我

朝文武科目竝隆雖僻處西隅習韜鈴者當自奮發以膺虛

世干城之選斯為無負云 光祖識

明

劉 丕清溪鄉人嘉靖戊子鄉試

余 約東蒙下鄉人嘉靖辛卯鄉試

余化龍東蒙下鄉人嘉靖丁酉鄉試

楊 中清流鄉人崇貞壬午鄉試

熊 甲清流鄉人 科分

張 真龍池鄉人 科分

國朝

康熙

趙偉略安仁鄉人二十六年丁卯鄉試

余廷柱開遠鄉人三十二年癸酉鄉試

余廷治東蒙鄉人三十五年丙子鄉試

畢茂霖東蒙鄉人五十二年癸巳鄉試

乾隆

祝遠元紫雲鄉人九年甲子鄉試

例貢

明二十六人

彭本

吳永和

余朝宗

邢昂 綸之父
任主簿

董芳

周用中

謝志謨

余珩

陳 才靈臺縣知縣

車以輓

孫見易甫之子

陳 義任主簿

余明善

舒 惠

張 冕

費秉貴

萬 鎰任主簿

胡 翰

柳 實

白 純

蔡 儒

方以中任主簿

鄢拱北

趙正吉楷之父

邢以松綸之子

謝冕學秦州州判

國朝

余耀祖開遠鄉人由附生進貢

田洪亮安仁鄉人由附生准貢

封典

嘗讀孝經有曰立身行道揚名於後世以顯父母孝之終也迺古者止能以揚名顯其親沿及後世遂能以爵祿榮其親今

聖天子以孝治天下 覃恩一霈凡大小臣工其祖若父無論已仕未仕存者封歿者贈官爵如其子孫母妻亦邀恩榮其錫類之仁洵至廣也爲人子者可不益加奮勉歟

明

孫執中瑜之父贈資善大夫戶部尙書

童 昱瑞之祖童永福瑞之父俱贈工部右侍郎

孫 英甫之父贈文林郎大理寺評事

趙天祿時之父贈中憲大夫廣南府知府母妻俱贈恭人

趙正吉楷之父贈貴州道鹽察御史母妻俱贈孺人

李廷佐健之父贈州判 周文郁謙之父贈衛經歷

皇清

楊天錦葺之父贈文林郎宜章縣知縣葺母羅氏贈孺人

妻張氏封孺人

余廷相光祖之父封文林郎安東縣知縣光母陳氏封孺

人妻楊氏田氏贈孺人帥氏封孺人

余 林輝祖之祖馳贈文林郎知縣祖母曹氏馳贈孺人

余廷柱輝祖之父封文林郎知縣母姚氏贈孺人

掾秩

嘗讀史記至蕭曹二相國世家見其起家爲秦刀筆吏及其後相業爛然聲施後世未嘗不掩卷歎曰人貴自振拔耳彼二公者當其爲吏時豈卽自知其爲相國也而才能識見迥出於人自當脫穎而出當今之掾才其途日闢三考擢正印者往往而然是誠在乎果能自立者

李 健開遠鄉人涇州州判

張 玉開遠鄉人南樂縣縣丞

董元儀東蒙上鄉人任經歷

曾 書進寶鄉人善化縣縣丞

楊正完龍池鄉人任吏目

郭恩任典史

徐金文衡陽縣典史

陳心學任吏目

李端南京倉大使

苟汝先任典史

杜起鰲 官缺

魏仲學 官缺 以上俱明

人物誌

名哲 耆英 隱逸 流寓 孝友

士君子學聖賢之道處則增重鄉邦出則功光社稷顯晦不同其道一也健之往哲或埋輪都亭陳情帝室垂名簡冊逸志烟霞偉略英風昭耀千古固屬山川之鍾靈亦由士林之感發表章前徽實以鼓勵來茲也作人物志
按舊誌鄉賢隱逸孝友各立一條今統歸於人物改鄉賢為名哲使不混於從祀節列另立一傳庶於誌義有合也

名哲

漢

杜撫師事薛漢治五經隱居教授南陽馮良為尉耻迎督

鄧因毀車裂冠遁至犍爲從撫受業

周 循教授生徒時新都楊統從循受業仕爲郎中統子厚亦受業於循位至侍中父子俱以循學顯名於時費 貽建武初公孫述據蜀徵貽不仕漆身爲癩狎狂避之述亡世祖光武徵爲合浦太守

任 永馮信公孫述時二人俱不肯仕托青盲以辭徵命朱 遵仕爲功曹率兵拒公孫述死之追贈復漢將軍

董 鈞字文伯永平中爲博士叅議郊祀禮樂儀章當世稱爲通儒

楊 渙字孟義見犍爲耆舊傳子文方冀州刺史孫準字

伯邳官太守太尉李固舉之

張 皓字叔明留侯六世孫順帝時拜司空多薦達天下士年八十三卒初安帝欲廢太子唯浩與太常桓焉太僕來歷議以爲不可綱其子也

張 綱字文紀爲御史糾梁冀不法之事十五條時廣陵賊張嬰等聚殺刺史冀乃諷尚書以綱爲廣陵太守欲以事中傷之綱獨單車造嬰壘以安慰之嬰等遂降後綱卒嬰等制服行喪送至犍爲負土成墳綱子植郎中續尚書方豫州牧

隗 相字叔通哀帝時舉孝廉平帝時爲郎詳孝友

楊 洪爲蜀部從事諸葛丞相嘗資謀義後爲蜀郡太守
有傳

費 詩字公舉昭烈領益州爲督軍從事出爲牂牁太守
嘗以言事左遷蔣琬秉政以詩爲諫議大夫有傳

張 翼字伯恭文紀曾孫以文武才幹歷征西鎮南大將
軍封亭侯子徵篤志好學官至廣漢太守有傳

楊 戲字文然歷官太守有傳

伍 梁字德山以儒學節操稱建興間丞相亮領益州牧
其所選皆妙簡舊德梁與秦宓杜微竝見徵用梁爲功
曹轉從議郎遷諫議大夫五官中郎將

晉

程 瓊仕蜀漢爲尚書與巴郡文立深交晉武帝聞其名
以問立對曰臣知其人但年垂八十稟性謙退無復當
時之望不以上聞耳瓊聞之曰廣休可謂不黨矣

李 密字令伯晉武帝詔爲洗馬以祖母劉老上陳情表
固辭帝覽表曰密不空有名也嘉其誠欵賜奴婢二人
下郡縣供養其祖母奉膳

費 立師之子散騎常侍晉書云犍爲費立西川名士與
陳壽齊名

李 興密之子一名安太傅掾晉永興中鎮南將軍劉弘

至隆中觀諸葛亮故宅立碣表間命與爲文載蜀記

張統符堅時爲美水令長安太守呂光自龜茲還涼州刺

史梁熙謀閉境拒之統曰今關中大亂京師存亡不可

知呂光之來其志叵測將軍世受大恩忠忱夙著立助

王室宜在今日熙不決光果殺熙據涼州

宋

于震孫字長卿以詞賦試第一調隆州錄事參軍知廣都

入孰其教化一境大治歷官朝奉大夫詳孝子

聶英顯謨閣直學士直聲聳樹於當年懿行流傳於後世

明

孫瑜明洪武十五年舉能吏歷事三朝佐仁宗以誠謹監

國事父母以愛敬型家諭祭旌忠鄉評稱孝洪熙元年

追贈戶部尚書子冕亦守城有功歷官給諫

劉昶仁恕好施爲人完娶者四代葬者七居村落一夕被

盜適父疾獨以身衛永樂辛卯領鄉薦宣德丁未御選

稱旨擢御史奏對大廷宛爾朝陽鳴鳳匝五月物故囊

無以歛所施未竟所學紳士惜之

邢綸字理之邃於春秋登賢書同知江南池州府毅皇

帝南巡迎侍慎勤特賜欽獎前知新興州請建學校士

夷歸化其世父有二女俱替給產以全其生業師子弟

坐耗官錢捐俸代補從學尚書席公珍太子洗馬張朝
給事安磐少卿趙時進士譚閻楊士麟皆受業於門世
稱其清正

孫甫生而穎異邃於易學擢甲科初知南城縣值宸濠僭
亂極力保城境內安全又立社倉建社學教養兼舉以
內陞去南城民爲豎去思碑從祀名宦居家開導後學
多所成就

趙時領鄉薦任耀州有聲調乾州彌賊之變復補商州大
旱時兩立應虎患悉平陞廣南府知府開誠撫禦夷民
率服以軍功優陞官至太僕寺少卿

趙正學時之子弱冠時屹然有丈夫之志不喜遊戲從父
之任耀州受業於馬公理講明道學得其要領登甲第
授真定節推斷獄明允擢吏部歷郎中掌銓政秉性耿
介不避權貴時執金吾陸炳陰使人告公請給如文官
例公曰我失其職且亂其法必不可遂乞外補爲河南
叅政大興水利杜塞礦洞遷河南憲長平師尚紹之亂
止修河之役中州民肖像以祀

趙楷時之孫字憲吾提南宮晉御史臺奉勅巡山陝鹽
法奏捐連課陳情母老終養起雲南副使潛心理學多
所著述知縣胡公學戴請祀鄉賢

聶汝器字公偉弱冠時聞父俊卒於太學且暮悲號往京
負骸骨以歸補邑庠作孝友賦正淑先雉祀楊狀元奇
其文因作孝津行舉孝廉任唐縣令廉明豈弟多惠政
如省河夫之費歲減千緡修南陽之隄功及二堡唐民
肖像祀之

諶 忠字原孝賦性孝友視躬清介以孝廉任浙川令課
士愛民崇祀名宦任中聞健大荒寄俸賑濟全活甚衆
及同知河間府修陵防邊有功緣嚴嵩當國遂激流勇
退懸車杜門半字不入公庭其終始清介如此

陳天佑家貧好學秉性骨鯁崇貞末年張獻忠陷蜀檄朝
不至將張可望駐城南虎吼壩天佑被執不屈死之
闔門盡節事詳本傳

周 正選拔貢生獻賊據蜀令州縣促之欲授以官正不
從後被執與陳天佑同罵賊死之其子千年亦諸生與
少弟百年以家屬託其叔父曰臣死忠子當死孝共赴
賊營抱父屍哭賊竝殺之

李 枉字扶元禔躬端正跬步不苟崇禎初以選拔遊太
學 廷試第一擢知兗州府通判政聲甚著崇禎末丁
內艱歸教授永寧甲申聞變大慟北向再拜不食而卒
翰林陳汝睿有傳見藝文

國朝

楊 歲字聖與少以穎慧聞弱冠領鄉薦南宮下第以親老謀養改就永川教諭再補江安由卓異擢湖南宜章令杜絕苞苴多所興除代篆鄰邑者五俱有聲解組後宜民爲立生祠

余光祖字孫適號念峯幼聰敏有大志爲邑諸生下帷刻苦終夜不輟每負笈從師百里外學使陸榮登深器重之康熙戊子舉於鄉又五年成進士初任安東令多惠政人稱爲佛子尋陞亳州牧以失察私鑄去官士民思之爲立祠所著有念峯四書文志遠堂詩行於世

隱逸

宋

王叔倫隱居沉犀洞左善書法嘗題子雲洞扁聯漢州牧吳師道作大字歌贈之載藝文今失無傳

王陽初字吉老與黃山谷遊山谷稱爲高曠之士

師伯渾陸放翁序其文集云伯渾文章英發鉅麗歌之清廟刻之彝鼎然後爲稱今一不得施顧退而爲山巔水涯娛愛悲紆之言豈不可憾哉

明

張 瑛字玉華張顯之子居紅壁山才器高邁性尤嗜學

治詩書二經善詩文賢哲每造廬請焉

楊 韜字行天鳳儀之孫博學善詩賦更精琴學隱居不與人接邑侯周慶地造廬禮之遣子甲乙學琴盡得其

妙晚號友桐

歐傳芳儒而孝者博雅能詩母老不仕當道嘉之旌其門

曰榮養兼全

鄒 賢為邑諸生不樂仕進臨貢告請終養縣學表其門

曰辭榮養親

劉 錦以醫隱工於詩與嘉州安彭徐程四諫賡和有古

高士風

國朝

李公鼎字慶寧杠之孫天懷澹泊適志林泉年弱冠通毛

詩能文前學博趙謨勸補弟子員不就慕清溪紫雲之

勝結廬教授其間多所成就年八十三卒邑人上其狀

當事嘉之

孝友

漢

吳順字叔和至孝赤烏集其門後為永昌太守

見通志

魏相事母孝母惡江邊水不潔必江心水乃飲食相冬

夏汲之不倦一朝忽有橫石生正流中可倚以取水人

以為孝行所感云

宋

楊九澤一門孝義鄉里稱之家產五色瑞芝九莖有瑞芝

圖記見白兔出於園今應寧遺址尚存

于震孫清溪鄉人少失怙奉母極孝母卒葬清溪后壩震

孫廬墓號泣有于孝子墓母招魂辭碑為農人所毀至

明萬曆壬寅邑侯鄧全性監祠於清溪鎮顏曰于孝子

祠邑侯陳懋功侯廷佩俱有詩

明

李首攀庠生克敦天性縣學旌其門曰友于高誼

國朝

余廷宣素能孝一日其母病篤侍藥弗效棺具疾忽愈後

兩月餘廷宣遇暑偶解衣露股母驚問瘡痕方知病以

股救內外始覺庠中具事以聞縣學俱加旌獎

流寓

邵博

字伯温宋處士康節先生子為西川制置司叅議
健之翠屏山山水佳麗遂家焉後人名其所居亦曰
安樂窩蓋不忘康節也

耆英

按耆英之名仿古香山洛社而云然也余謂白學士文潞
公司馬相國其事業文章赫奕千古洵不可及已恕以求
之亦必其人德壽竝優核之清議詢之輿論均無異辭乃
為無媿前明所載皆年逾九十且近百齡意其生平自當
見重士林仍照舊備錄餘不敢妄入倘有壽躋耄期行誼
可採者吾庠亟合辭以請於當事焉

明

趙

遷

九十
三歲

李之碩

九十
六歲

朱伯傳

九十
八歲

熊正 九十七歲

彭講 九十歲

張佩環 九十歲

國朝

黃憲珠 八十歲

楊茲 八十歲

節烈傳總序

自古節烈之出於巾幗原較鬚眉而倍奇以其至性感發不待勉強矯飾而然也歷稽往蹟如上虞之曹娥清河之崔氏每歎為超前軼后廼考之吾隸如淑先雄之篤孝李躬姑之貞潔與古無異若夫近代陳孝廉之二女其慷慨就義又兼節孝而有之此殆鬚眉之所不如也其他所載或滅血於鬼域或矢志於松筠秋風子夜孤魂隻影白骨含冤青燈飲泪浩氣長存有死無二皆屬婦道無虧女宗可師者也自當獨立一傳以維風起俗豈徒榮巾幗已哉

列女

漢

淑先雄父尼和爲縣功曹縣長遣謁巴郡守乘船隨水尸
久不出雄號泣晝夜常有自沈之志生男女各一竝數
歲雄乃各作囊盛珠環以繫兒數爲訣別之辭家人每
防之經百餘日少解雄乘小舟於父隋處慟哭遂自投
水死其弟賢是夕夢雄告之曰後六日當共父屍同出
至期向之果與父持浮水上郡縣長奇其事立碑圖像
祀焉狀元楊慎有孝津行邑孝廉聶汝器有孝女賦嘉
州守袁子讓有詩勒于碑

趙氏媛姜盛道之妻建安五年益都亂道聚眾起兵事

敗夫妻執繫媛姜夜中告道曰法有常刑必無生理君
可速逃妾留獄代君道依違未決媛姜便解道桎梏爲
齋糧具子翔時年五歲使道携持而去媛姜代道應對
不失法度繼乃以實告吏道遇赦父子得歸姜死道感
其義終身不娶

明

李氏躬姑父名官高以染爲業居舊資觀縣金石井正
德七年流賊過其地躬姑時年十六與父母逃竄相失
適二賊至驅躬姑入寺中龍王殿欲汗之躬姑拒罵出
血賊怒而殺之解其尸去血痕經百餘年不磨至今陰

雨時尚隱露同邑趙少卿有弔章萬曆四十年知縣陳懋功申請院道批允與漢孝女淑先雄合祀

袁氏名可慈生員胡實妻幼年同妹可順於嘉靖間隨父俊任河南中牟主簿俊患疾劇可慈年未及笄焚香籲天割股和藥以進其妹可順亦效之父疾遂愈事聞當道置雙孝扁以旌其門

郭金蓮義官郭大宏之女年十四隨母楊氏往耕福田庄母早起拔芋陡與虎遇金蓮聞母噉聲赴救母得脫金蓮爲虎傷斃事聞縣學扁其門曰孝女同邑貢生王賞輓之以詩云捐軀擊虎拯慈親一念真誠鐵石心

陳氏二女舉人天佑之女也賊獲天佑夫婦時竝迫至營賊執刃以示曰從吾極富且貴否膏吾劍矣二女同聲罵賊遂被害詳天佑傳中

節婦

明

聶氏車用隆妻年甫二十夫故其夫之友人欲娶之氏怒請朋輩責以大義友人愧而引咎終不改節知縣高翀以事聞勅賜貞節坊

康氏生員曾嘉禮妻年十八歲夫故遺腹生子魯氏撫孤守節堅如金石事聞奉例旌表

周氏郭邦妻年甫餘二十夫故其姑亦寡周撫二子奉
孤至孝年九十五而卒事聞委主簿謝廷蘭建坊暨匾
以旌之

江氏孝廉周時望妻夫會試入都莫知所終氏時年二
十六且無兒女子績紡自給貧苦不厭杜門甘守雖至
親亦不輕見清操完節可對鬼神知縣侯公李公鄧公
俱有旌表年九十而卒

聶氏監生魯劬妻縣尹汝器女也年二十六夫故哀毀
以從一自矢訓二子俱入縣庠有司奉例旌表其門年
九十餘乃卒

羅氏生員周廷元妻姑蔡氏孀居三十餘年事之至孝
適姑有疾幾危割股活之繼而夫疾亦然

車氏生員萬彭齡妻夫故甘貧守節

馬氏童生謝銓之妻無嗣守節

吳氏二姑適夫新寡子幼值兵亂携子逃避為兵所獲
迫至翠屏山給兵出哨痛囑其子生計遂自縊

李氏縣民李堅之女適夫馬標值兵破城李避不及跳
沒井中後淘井骸骨既盡爨者取水為粥常赤色

國朝

段氏縣民鮑怡之妻奉姑至孝生子紫雲明末賊兵肆

掠舉家逃散段負姑携子潛山被獲與衆驅至屠所將
及刃天忽驟雨昏黑得免賊退姑已驚怖病故段泣尋
翁及夫骸鋤土竝厝卒能撫子成立有孫鮑隆嚴課成
名膺歲薦段終節時年七十守貞四十餘年

周 氏朱文燦妻生子萬鍾甫三歲燦歿周年二十二守
貞課督及子補邑庠入太學周猶力持家政黃髮不倦
一日萬鍾泣曰兒以母年是懼周叱曰何以母死爲懼
懼爾科名未及汝母不克見汝父地下耳鍾學愈勤康
熙二十五年邑侯顏諮奉都院姚公旌其門曰節婦首
重終節時內陞刑主事邑侯王公追駭有司章

杜 氏名玉鳳樂山處士杜恭行女許聘邑儒童楊嶼爲
室未婚嶼病死氏剪髮毀容誓不他適詣夫家事翁姑
如禮嚙指滴血以祭夫墳守貞十五載臨終以繼祀爲
囑事聞奉旌邑侯宋公有詩見藝文

建寧縣志 卷之六

賦役誌

洪範以食貨居先易辭以理財為寶故國無三年之蓄曰
 國非其國財賦為民所重尚矣犍邑設在濱江而多斥鹵
 疲於奔命困於竈課稽昔明季又驅阡陌之家代賠老課
 一千二百餘金生計日削有自來矣方今休養安息惟賴
 主計者權之作賦役志

田戶

明洪武時一千六百一十四戶正德時一千五百五十九
 戶嘉靖時一千六百一十四戶萬曆時民軍雜役共一千

七百六十五戶

明洪武時一萬五千五百九十四口正德時一萬四千八百三十二口嘉靖時一萬五千五百九十四口萬曆時男婦共二萬二千七十七丁口

官民田地塘四千四百二十八頃六十四畝五分九釐八毫三系七忽四微

官田一十三頃九十一畝二分二釐九系七忽

民田三千九百五十九頃二十八畝五分六釐八毫四系四忽

地四百四十二頃二十畝九分九釐八毫六系一忽

塘六十五口計一十五頃八分一釐三系五忽

條鞭

原額人丁五千六百六十三丁口每人一丁折糧五斗除逃絕女口五百二十六丁不編外實在人丁五千一百三十七丁折糧五百六十八担五斗

稅糧五千四百九担二斗四升六勺五抄共折盡丁糧七千九百七十七担七斗四升六勺五抄內除優免折盡丁糧一千二百四十六担八斗九升六合八勺三抄外實編銀五千七百七十三兩三錢九分八釐九毫二系二忽一塵

大糧

原額稅糧五千四百九担二斗四升六勺五抄每糧一担
徵銀一兩二錢三分一釐四毫六系四忽八微四塵共徵
銀六千六百六十一兩二錢九分四系八微五塵
戶口五千六百六十三丁口每丁徵銀一分八釐共徵銀
一百一兩九錢三分四釐

綿花八百五十二筋共徵銀五十三兩二錢五分

以上條糧二項共徵銀一萬二千五百八十九兩八
錢七分二釐九毫六系二忽八微六塵

條糧起解

布政司應朝水手銀四兩

布政司抽解民弓二兵四十三名每名工食七兩二錢共
銀三百九兩六錢有閏每名加銀六錢

進士坊銀三兩三錢六分五釐四毫二系一忽一塵

按察司柴馬銀四十二兩遇閏加一兩

表夫銀一十二兩

王府民校銀一十二兩

甲丁二庫銀二百一十兩

南京麀皮料價銀一百八十六兩

京料殷實盤纏銀四十兩

黃蠟價銀二十三兩四錢

白蠟價銀四十二兩

帶征老課銀五百六十二兩二錢九分七釐五毫

本州團操民兵四十五名每名工食銀七兩二錢共銀三百二十四兩有閏各加六錢

本州抽追民兵二十五名每名工食七兩二錢共銀一百八十兩有閏每名加六錢

抽追平歸二堡民兵一十六名每名工食銀七兩二錢共銀七十九兩二錢有閏不加

條鞭存留

知縣柴馬銀八十八兩有閏加四兩

主簿柴馬銀六十兩有閏加二兩

典史柴馬銀五十二兩有閏加一兩

儒學齋夫銀四十八兩有閏加四兩

膳夫銀五十兩有閏加四兩一錢六分六釐六毫

春秋二祭銀五十五兩

邑厲壇三祭銀一十四兩

鄉飲二次銀八兩

歲貢盤纏銀二十二兩五錢

修城工食銀一十一兩

查盤造冊竝各司道循環紙劄銀一十五兩七錢

公費銀三百三十二兩二錢

修船價銀一十六兩六錢六分六釐先年俱在庫支給水手以作三年一小修五年一大修之用萬曆四十四年本縣詳請應修之年於本項銀內每水手一名支給五錢以作修船共該銀一十兩剩銀六兩六錢六分六厘改充費家渡新增渡夫一名工食

知縣門子二名皂隸四名弓兵十名主簿門子一名皂隸四名典史門子一名皂隸四名捕兵四名禁子四名儒學門子二名庫子一名膳夫一名本縣守城民兵一百

三十一名庫書一名共一百六十六名每名工食銀七兩二錢共銀一千一百九十五兩二錢有閏各加六錢斗級二名改充倉吏紙札號單灰糶工食一十四兩四錢

縣門鋪舖兵四名石碓三名淨江三名石馬三名杏壩新埕三聖吟峨紅巖各三名楊柳孝女下壩賴里各三名龍池沙溪三江石牛竹園各三名共五十五名每名工食銀七兩二錢共銀三百九十六兩有閏各加六錢迎恩三溪羅城南陽石板老馬六舖每舖一名工食每名七兩二錢共銀四十三兩二錢有閏不加

三江鎮公館看守門子一名工食銀二兩六錢遇閏不加
石馬弓兵一十八名四望溪弓兵一十三名每名工食銀
七兩二錢共銀二百二十三兩二錢遇閏各加六錢
象鼻渡夫三名費家渡夫二名沙灣渡夫一名孝女渡夫
三名每名工食銀七兩二錢共銀六十四兩八錢有閏
各加六錢

募夫五十名每名工食銀七兩二錢共銀三百六十兩有
閏各加六錢

馬二十五匹每匹草料兩具鞍轡人夫工食每匹共銀二
十一兩有閏各加六錢

水夫二十五名每名工食銀七兩二錢共銀一百四十四
兩有閏各加六錢

大糧起解

禮部料米二百五十担價銀一百三十五兩

壘溪倉夏秋米六百八十担價銀一千二百七十一兩六
錢

新堡倉夏秋米一千石價銀七百五十兩

成都廣豐倉折色米一千四百九担二斗七升價銀八百
四十五兩五錢六分

本色米一千四百九担二斗七升奉文每担徵銀六錢五

分共價銀九百一十六兩二分五厘五毫

四川廣濟庫夏稅糧絲米六十五担折系六十五觔價銀

三十二兩五錢奉文每糧一担加增銀一厘共加五兩

四錢九厘二毫四系六微五塵有閏加四兩

布政司加增驛傳銀三十七兩八錢六分四厘六毫六系

四忽五微五塵

太監府廩糧銀一十六兩一錢三分九厘六毫有閏加一

兩三錢四分四厘九毫二系六忽五微

帶徵老課銀五百六十二兩二錢九分七釐五毫

大糧存留

本縣濟留倉本折米二百四十五担七斗六勺五抄價銀

一百七十一兩九錢九分四毫五系五忽有閏加一十

四兩四錢五分五厘

儒學倉本折米三百五十担價銀二百二十四兩七錢有

閏加銀一十八兩七錢二分五厘

帶徵驛傳銀六百八十六兩七錢九分一厘八毫四系

沉犀驛驛丞一員萊薪銀每日一錢每季九兩吏一名每

日三分每季二兩七錢紙札茶果銀每月三錢五分每

季一兩零五分每年扣除月小一日不支又支應銀每

月一十五兩水夫二十五名厨子二名抄牌夫一名共

二十八名每名每季工食銀一兩八錢

三聖驛驛丞一員菜薪銀每季九兩吏一名每日三分每季二兩七錢紙札茶果銀每月二錢三分每季六錢九分每年扣除月小一日不支又支應銀二十兩水夫三十名廚子一名每名工食銀每季一兩八錢

下壩驛驛丞一員菜薪銀每季九兩吏一名每日三分每季二兩七錢紙札茶果銀每月二錢三分每季六錢九分每年扣除月小一日不支又支應銀二十兩水夫二十名廚子一名每名每季工食銀一兩八錢

以上三驛官吏菜薪茶果紙札竝水夫工食本縣止

給春夏秋三季冬季各役赴本州補領有闕詳請補支

又奉文加增軍民黃冊紙札工食五兩四錢九厘二毫

按此皆以前明白洪武至崇貞二百餘年不見兵戈故戶溢於版賦充於國及明季遭張獻忠屠戮荒疫相繼流亡殆盡

國朝定鼎休養生息歷有年所而賦稅猶遠不及前總以地瘠民貧人烟鮮少山澗土田未盡開闢目今生齒漸繁日盛一日糧稅亦陸續報增既庶且富食足信孚固不難預期於久道化成之日也其已登版圖載在建設者備誌以俟

條糧課稅各項應徵起解

隄邑條糧自康熙二年知縣汪淑問遵照頒發弓步規丈其載糧詳請比照洪雅縣則例其徵銀載丁起例依明季時舊刻全書每糧一斗每年徵銀二錢一分有零時瘡痍新復戶口寥寥條糧甚少歷至康熙二十五年舊管田地共八十六頃五十三畝五分一厘二毫三忽共載糧一百二十一担七斗一升六合五撮八圭一粒五粟人丁一百二十七担四斗二升五合九勺五抄七撮七圭四粟丁糧條共徵銀二百五十八兩一錢七分七厘三系六忽六微九塵四線康熙九年奉文加閏銀兩十一年應徵止通計縣屬各項總數

厥冊共陸千一百五十戶

田地共七百九十頃一十六畝六分八毫

載糧一千七十五担四斗六升六合一勺

丁糧條共徵銀二千二百八十一兩二錢一分七厘二毫

一系五忽三微八纖有閏照例加徵

載糧起科則例自康熙二年至四十三年每田地十畝分

別上中下三項上田一畝載糧三升中田一畝載糧二

升下田八畝載糧一升二合上地一畝載糧一升八勺
七抄五撮中地二畝載糧五合下地七畝載糧三合自
康熙四十四年奉文改則每田種十畝改爲上田三畝
中田三畝下田四畝載糧如舊徵銀則每畝增銀一分
有奇地種亦照例

原額油井課銀六十四兩八錢新增無老井亦漸涸
原額魚課銀一兩零五分

舊管牙行銀一兩二錢 以上解 布政司完納

原額學租折徵銀六錢九分七厘二毫 解 提學道

鹽井課銀原額無考但據父老傳聞故明井課有自三錢

至八錢不等尚多賠累今按舊誌所載條鞭大糧二項
共帶徵老課銀一千二百餘兩傳聞似屬有據目今鹽
井課例緣張獻忠焚燬版籍及鼎革以後開鑿無幾比
時在官止徵月鹽每井每月自三百觔至四十五觔不
等竈民亦以徵鹽易於完納其後卽照鹽權課每井月
鹽十觔定課一兩其煎鍋則例上井一眼煎鍋一口承
課五兩中井一眼煎鍋一口承課四兩下井一眼煎鍋
一口承課二兩鍋多照例遞加是以縣屬遂多重課不
無賠苦竈民往往畏縮不前

國初至康熙二十六年止開鹽井二百八十一眼煎鍋三百四

十六口承課銀一千一百五十四兩自康熙二十七年新
招竈民洪國柱等諭以開井增課始照下井之例煎鍋一
口承課二兩歷至康熙五十七年陸續新增鹽井二百四
十八眼前煎鍋二百四十八口承課銀四百九十六兩邇來
鹽泉益涸尚不能勉從下井之例致竈民不敢擅自開報
曾有呼籲詳請減則開淘之訴是亦以減爲增裕課利民
之一法也蒙邑令何諱源溥轉詳在案緣舊章難更未蒙
允行不無望於賢能當事云

以上舊額新增共鹽井五百二十九眼前煎鍋五百九十
四口

舊額新增共徵課銀一千六百五十兩

原額引稅無改謹按

國朝初年頒發水引八十四張陸引一千四百九十一張每水
引一張行鹽五十包徵稅銀三兩四錢零五厘陸引一張
行鹽四包徵稅銀二錢七分二厘四毫於康熙三十七年
奉文詳增陸引八十五張其行鹽口岍係宐賓南溪高琪
慶符長寧興文江安屏山等處又於康熙四十八年請增
水引五十張上行眉邛雅三州所屬地方及成都之崇慶
新津二處又自康熙四十八年新增鹽井詳請配引至康
熙五十九年共增陸引九百零二張內填發四百一十二

張行府雅兩河餘俱行宜長等處

新舊水引共一百三十四張陸引共二千六百七十八張
水陸引共徵稅銀一千一百八十五兩七錢五分七厘二
毫

以上水陸引每年繳舊領新其鹽井課稅俱本縣徵收
赴按察司完納

歲支存留

本縣春秋二祭

文廟及山川社稷各壇祠於康熙十一年奉文請給春秋二祭
銀一十六兩照舊於條銀內動支赴 藩庫領給於康熙

五十七年奉文於本縣地丁銀內存留春秋二祭銀一十
六兩二季頒發買備

本縣知縣歲額俸銀二十七兩四錢九分薪銀三十六兩
心紅紙張二十六兩油燭銀一十兩傘扇銀二兩自順
治十三年奉文爲錢糧入不敷出等事一案屢經裁減
於康熙二十一年四月內奉

恩詔一欸內開在外文官俸銀照舊支給實支銀四十五兩赴
布政司承領

本縣教官歲額俸銀一十九兩五錢二分薪銀一十二兩
於順治十三年奉文爲錢糧入不敷出等事不分柴薪

總算給俸銀三十一兩五錢二分赴

藩司領給教諭訓導共俸

本縣典史歲額俸銀一十九兩五錢二分薪銀一十二兩

於順治十三年奉文不分柴薪總算給俸銀三十一兩

五錢二分赴 藩司領給

本縣額定進學八名廩生二十名增生二十名廩生餼糧

原額每名一十二兩零八錢向因錢糧不敷未復於康

熙二十七年奉 部文爲

聖治當重熙等事一案每名每年量給四分之一每名給銀三

兩二錢 布政司支給於康熙五十七年奉文於本縣地

丁銀內存留支給 每年廩生二十名共該銀六十四兩

遇閏共該銀六十九兩

進士牌坊銀三十兩 戶部支給

舉人牌坊銀二十兩 布政司支給 二項俱康熙四十七年議復

本縣衙門額設衙役三十七名每名歲該工食銀七兩二

錢於順治十三年奉文爲錢糧入不敷出等事每名裁

留銀六兩於康熙八年奉文因錢糧不敷每名每年攤

支二個月零九日該銀一兩一錢五分門子二名皂隸

十六名馬快八名燈夫四名轎傘夫七名共三十七名

歲支工食銀四十二兩五錢五分於康熙五十八年奉

川督年疏題爲懇請援復舊額案內奉

旨依議每名每歲給工食銀六兩共銀二百二十二兩

儒學額設門斗膳夫共四名每名每歲支工食銀一兩一

錢五分共銀四兩六錢同於康熙五十八年懇請援復

舊額案內加增每名歲支工食銀六兩共銀二十四兩

典史額設門皂各役共六名每歲共支工食銀六兩九錢

同於康熙五十八年奉文援復舊額加增每名六兩共

該銀三十六兩

額設站船三隻水手六名橈夫一十八名除小盡不支

江南安徽例每名日支工食銀二分於康熙四十八年

奉文爲船隻朽壞循例折造案內裁船一隻水手二名

橈夫六名現設站船二隻水手四名橈夫一十二名每

名日支工食銀二分每年共該銀一百一十三兩二錢

八分

額設驛馬二匹馬夫一名遵照安徽例除小盡不支每馬

一匹日支草料銀六分馬夫日支工食銀四分八厘每

季二項共該銀一十四兩九錢五分二厘每歲共該銀

五十九兩八錢八厘

額設損夫六名遵照安徽例除小盡不支每名日支工食

銀一分二厘每季共該銀八兩四錢九分六厘每歲共

該銀三十三兩九錢九分六厘

以上夫馬水橈工食遇閏加增每歲赴按察司領給

鄉飲酒原編銀八兩因錢糧不敷每歲量用銀四兩本縣自行捐備

科歲考優等生員花紅賞格本縣捐備

進舉貢監旗桿扁額本縣捐備

孝子節婦旌獎扁額本縣自行捐備奉

旨建坊者動支正項

監倉禁子額設四名原編工食銀每名七兩二錢因錢糧不敷今量減二名工食銀兩本縣照例捐備

縣屬各塘舖夫俱本縣僱募

本縣常平倉社倉義倉自康熙二十一年起至康熙四十七年止貯倉積穀共二千九百一十七石九升

我乾隆十一年增補

國家休養生息百有餘年自雍正以後屢畝清丈戶口田賦兩倍於前加以鹽泉湧溢商賈如雲減額收捐積貯不匱倉儲課稅之盛皆從前所未有也應並志以備考李振

戶口

乾隆十一年遵例編審戶口載冊共八千六百二十五戶

田糧

自雍正六年奉

旨清丈以後補首加增至乾隆十年載冊徵輸其上中下田地
共二千一百四十四頃六十三畝零應徵丁條糧銀六
千四十二兩七錢九分四釐二毛四系四塵六線

課稅

乾隆十一年以前新舊鹽井共八百零六眼每井設鍋一
二口至五六口不等其計煎鍋一千一百一十二口奉
鹽務章程未定等事例每鍋一口權正課二兩其徵銀
二千二百二十七兩每課銀一兩徵羨餘二錢八分共

徵羨銀六百二十三兩五錢六分歲產額鹽配引行本
省及滇省各州縣行銷

鹽引自乾隆二年起至乾隆九年節次增行其陸引七千

三百九十七道內本縣食引七百道窰戶行銷邊引六
千九十七道商人執引買鹽由宜長琪筠高屏興各邊

縣繳引給引緝執運雲南昭通東川宜威霑益鎮雄等

地方行銷每水引一張徵稅銀三兩四錢零五釐徵羨

銀二兩二錢九分五釐每陸引一張徵稅銀二錢七分

二釐四毛徵羨銀一錢八分三釐六毛每水引一張截

角銀六錢食陸引一張截角銀四分八釐邊陸引一張

截角銀八分

雍正間設立鹽道鹽務引目俱歸管理

油課原額課銀六十四兩八錢歲久并涸課額空賠窮民

屢控經邑侯宋公查驗詳請蠲除

撫憲紀入告豁免

歲支存留

祀典

文廟祭銀原額春秋二祭其銀十六兩在地丁糧內截留雍正

九年加祭銀十二兩赴布政司領

關帝廟向無專祀雍正年間額定春秋二祭銀十六兩在地丁

銀內動支

社稷山川各壇舊於文廟分祭雍正九年每祭每壇加銀二兩

二壇二祀共增八兩赴布政司請領

先農壇每年奉部擇期致祭即以上年所收藉田穀變價辦祭

餘穀貯倉積多報明充公

文昌祠忠孝節義祠統於文廟內分祭厲壇乾隆八年奉定祭

銀六錢六分五釐不足仍在 文武兩廟內通融辦祭

官俸

國初官俸無養廉之名一切費用皆取於耗羨有事則按畝

加派鄉甲中飽吏胥分甘滋弊殊多

世宗憲皇帝洞悉其情制為養廉以給官俸而耗羨歸公從此吏

無侵蝕民鮮追呼良法美意備於是矣因誌之

李拔謹識

本縣知縣俸銀四十五兩養廉銀六百兩

牛華谿鹽場大使俸銀四十兩養廉銀一百二十兩

本縣典史俸銀三十一兩五錢二分養廉銀八十兩

本縣儒學

國家教職之設祿從九品兩官一俸今

上御極之初崇重師儒體恤寒毡晉秩加級各得一俸視昔爲

特優矣 李拔識

教諭正八品

訓導從八品各得俸銀四十兩

以上官俸養廉俱於地丁錢糧內動支奏銷

本縣入學及補廩餼糧支給額數如舊

本府于乾隆七年額設府學十五名廩餼十名每次考選

本縣撥入府學四五名不等補廩者卽於樂山地方內

支給

役食

本縣額設查鹽書役六名巡役十八名每名每歲於鹽課

內支給工食銀六兩共支銀一百四十四兩乾隆二年

設立鹽場大使裁汰本縣書役五名巡役十三名編等

乾隆七年裁汰王村場大使分歸原管書役三羣巡役

六名連前共十五名每歲支給工食銀九十兩

本縣額設衙役三十三名內門子二名皂隸十六名馬快
八名轎傘扇夫七名每名每歲于地丁銀內支給工食
六兩共銀二百九十八兩于乾隆三年奉就近相驗案
內裁皂隸二名工食支給件作

本縣額設民壯十六名每名每歲于地丁內支給工食六
兩製備器械銀二兩共支銀一百二十八兩

本縣額設禁卒八名更夫五名每名每歲于地丁項內支
給工食六兩共銀七十八兩

本縣額設捕役二名每名每歲于地丁內支給工食六兩
共銀一十二兩

本縣額設件作一名每歲支工食九兩六錢乾隆六年奉
就近相驗案內減銀三兩六錢添設學習件作二名每
名每歲支給銀三兩將扣除皂隸工食支給仍歸役食
項內報銷

本縣額設斗級一名倉夫三名每名每歲於地丁內支給
工食六兩共銀二十四兩

本縣儒學額設門斗膳夫如舊
本縣典史額設門皂各役如舊

本縣牛華谿鹽場大使額設門子一名皂隸四名每名每
歲於地丁項內支給工食六兩共銀三十兩設書役六

名巡役十二名每名每歲于鹽羨內支給工食六兩共銀一百零八兩同時設王村場大使書役相同乾隆七年奉裁書巡分歸樂捷兩縣管理衙役開除

乾隆元年欽奉

上諭于縣屬汶魚子單雞濠二處共設救生船一隻夏秋于汶魚子防救冬春于單雞濠守候其龍泉灣老鴉漩二處共船一隻夏秋于龍泉灣防救冬春于老鴉漩守候再道士觀船一隻係夏秋應用冬春停止半支工食按季扣除以上共設救生船三隻每船水手一名撈夫五名每名每歲支給工食七兩二錢三船水手撈夫共十八名共支銀一百零八兩遇閏加增

乾隆二年奉文設立舖司于縣屬設立縣門黃角羅葉溪西壩普通烏木椿石牛磨池馬踏等九舖每舖司兵各二名每名每歲于地丁內支給工食六兩共銀一百零八兩遇閏加增

倉儲

本縣原貯常平倉穀各案共七千七百三十九石九升一合

乾隆四年奉捐監改歸本省捐收本色事例每監生一名捐納倉斗一百八十石共收俊秀李萬資等八十四名

共監穀一萬五千一百二十石乾隆八年撥動八千石
碾運楚省接濟嗣奉減一收捐例于乾隆十一年收後
秀張震清等穀一千九百四十四石

物產志

先王界限封域各以土地之宜而貢方物此物產所自始
第土地殊方而氣化亦以異如橘柚之產於江南踰北則
枳蒟醬之產於筇笮昔有今無古今不可一律論也以隄
之鹵水明初則水定課嘗爲民利迨後源涸而鹵寢薄視
昔不啻百一而額課仍舊帶徵於田賦之中是物產利民
而反爲民病矣若隴雲畝麥織女機絲顧力之勤惰何如
耳何常之有作物產志

稻之屬酒曰糯飯曰粘糯之最佳者有七里香金釵沙子花
壳皆糯之美類粘則有早谷一名金線一名玉瓜又名洗

粃而毛香鼠牙香又粘之美紅穀白穀其種甚繁未可殫述

粟之屬有白黃二種黃者更佳可為粥饘赤梁粟可以釀酒黍之屬亦有酒黍飯黍

蕎之屬有甜有苦春種夏熟者多冬獲者甚少

麥之屬有小麥大麥燕麥油麥俱磨麵大麥與青稞可造飯亦可釀酒

稷之屬產山坡可酒可麵

稗之屬原用為麪近亦以伴糯米釀酒味頗清苦

豆之屬有遲有早有小有大色有黃有黑有花腰有茶褐其

中遲而黃者最多黑豆少菜豆亦少蠶豆俗名胡豆霜降種清

明熟農家呼為小春最賴之

菜之屬有青有白 萵苣 俗名厚皮菠 菠菜 油菜 其子榨油

菱頭 蘿菔 即芋其莖有紅白二種 茄 有紅白長短各種 葱 韭

薤 蒜 薑 莧菜 扁豆 青白紅三種 刀豆 形似皂角 江豆 山

藥 苦蕒菜 櫻椿菜 花有紅白五色可愛

野菜之屬有枸杞牙 隨波菜 蕨薇 刺針頭 萹蒿

野苧 灰粟 芹菜 野菜 蒟蒻 俗名鬼藥 竹葉菜 乾魚

菜

瓜之屬有西瓜 菜瓜 冬瓜 瓠子 王瓜 白瓜 金

瓜 南瓜 絲瓜 葫蘆大者可為瓠 苦瓜

果之屬有梅 杏 櫻桃 石榴 柑 橘不佳 李 梨

栗 柿 棗不佳 香圓 胡桃一名核桃 刺菱 藕 葛不佳

蔗可以造糖 佛手柑

布帛之屬有棉布 綿紬 葛布欠細密 攢線

木之屬有真楠 栢 松 杉 檜 梧桐 桑 絲栗實似

栗而小亦可食木似椲 青岡 椿香者葉可食 麻柳 棕 桐子可打油 柳

漆 白楊 黃楊 槐 紫荊 夜合 楮 冬青

皂角 青檀 潤楠 黃葛 黃楠 白果 酸棗 柘

葉可養蠶其樹有刺 苦練 水梨

竹之屬有斑竹 筋竹 慈竹 白夾 鳳尾 苦竹

竹 水竹 黑竹

花之屬有桂丹黃白三種外有月桂 薔薇 粉團 月月開 賽蘭花如

魚子 紫薇 蘭 蕙 芷 蟬 百日紅 滴滴金 玉簪

芙蓉七心者最佳 海棠有春秋二種 西番蓮 蓮紅粉白三種 菊有數種不同

碧桃 絳桃 海桃 紅梅 五香梅 金釵 向日蓮

迎春 珍珠花 送春 年景 七里香 黃羅傘 菜

莉 葵五色莖高俗呼為蜀葵 山茶 金鳳色五 杜鵑花 金盞 棣

棠 石竹 萱草花俗名菜葱 碎剪羅 灼藥欠佳 十姊妹

鷄冠 木槿紅白 梔子有山海二種 牡丹伴者少 芭蕉 海石榴

虞美人 臘脂花

藥之屬有地黃甚少 乾葛 地骨皮 木瓜 天花粉 瓜蒌

仁 木通 車前子 茱萸 牽牛 牛膝 澤蘭 香

附 史君子 麥門冬 紫蘇 威靈仙 蒼耳 石菖

蒲 荆芥 苦練子 薄荷 急性子 苦參 木鱉子

常山 巴豆 千里光 何首烏 桑白皮 益母草

半夏 骨碎補 龍胆草 木賊 夏枯草 南星 金

銀花 欵冬花 櫻粟 木筆 王不流行 金櫻子

青箱子 五倍子 槐子 女貞子 川芎 草薺

合

貨之屬有鹽 井油 白蠟 黃蠟 蜂糖 石炭 木炭

鐵鑛 桐油

毛之屬有虎 豹 麀 兔 獺 鹿 野猪 獾

羽之屬有雉 鵲 鶯 燕 鳩 鶻 烏 子規 鸚鵡

畫眉 鷓鴣 鴿 鵲 鶻 山和尚 水道士 白頭公

鷺鷥 鴛鴦 鳧雁 老鸛 鶴 黃鸝 拜天子 箐

鷄雄者白羽紅嘴長尾可愛 瓦雀

鱗之屬有魚 鮒 江魷 鯉 鱧 鯽 江團 白條 青

湧 鰕 桃花魚 紅尾

蟲之屬有蠶 蜘蛛 蟋蟀 蟬 蝻 蚪 蚱蜢

物產
以上物產凡縣屬地方俱出惟鹽出清流安仁龍池普寧
及開遠之金石井井油出四望溪之井筒溪亦地脉之異
常者也

風俗志

五方水土不齊因之風俗各異是以南北有剛柔之別財
用有奢儉之殊自古道德一而風俗同其事良非易易也
故聖人以擇里爲智賢者以避地爲高然轉移化導實存
乎人歷觀往蹟昌黎治潮伊川居洛南海至今爲科目之
地東周自來稱道學之鄉信有明徵矣蜀自文翁設教文
物比於鄒魯犍邑去益州爲近風俗不致逕庭而人心好
尚儀節煩簡不無小異也因作風俗志

犍邑東南勤於農事而西北多務煮海勤農者皆享逸樂
而煮海者率多勞困非獨其性宜爾抑亦地利使然也勝

國科第多出西南而

昭代則東北較盛豈地脉亦隨時運轉耶整齊風化是所望於賢守土者

冠婚之禮槩從儉素惟士夫家則嫁女難於娶婦以邇來六禮不必備而粧奩不可盡缺也

喪禮槩用鼓樂多修佛事尤尚儀文進門皆掛孝遂致有久淹親柩者間有一二士夫欲挽回流俗亦不能家喻戶曉也惟主治者有以嚴切而化導之

吾蜀俗多信巫疾病多不延醫專事媚鬼隸邑於斯弊雖未盡去較他處猶爲此善於彼

訟獄無過戶婚田土而其故則由於地棍及新招入戶之民有游手無業者教唆成訟爾中我証以圖欺公而罔上廉明 父母一懸秦鏡則魑魅之徒自不能猖狂於青天白日也以視強悍獷野之俗猶爲易治云

慶賀之禮凡婚嫁移居建宅入學出貢科甲援例俱有饋遺年節端午生期則惟分誼相臨往還親厚者始行賀禮不遍及也

祭祀之禮元旦伏臘與他郡無異惟拜墓止於新年正月其祠堂因兵燹俱毀卽盛族尚多未營造者

宮室多從簡樸士夫家貧亦用茅茨卽蓋造瓦房者祇削

竹爲壁以石灰塗之閒用板壁無磚墻雕飾以其價廉工省也

川俗多神會而西南爲甚犍人每逢神會先期鳴鑼警衆粧飾童男爲戲至期昇神同出遍遊街市雜踏徵逐舉國若狂相沿已久視爲固然記云修其教不易其俗齊其政不易其宜無害于治者聽之可也

犍邑治喪者親友來弔酬以酒食情也今或醉飽而去薦祭不親或餽饌稍薄退有後言是直爲口腹耳豈有哀戚之意乎又送死追遠廣作佛事人子愛親固不可然或有不作者反指以爲非則流俗之見也

犍邑川嶽炳靈多產奇秀而小就者多大成者少由其汨其俗學而莫能振拔故也宋儒云師道立則善人多不其然乎

犍邑土地頗饒人亦勤儉男務耕讀女勤紡織桑麻畜牧之利咸足自給而奇贏素封亦不常有史遷謂江淮以南無凍餓之人亦無千金之家犍殆似之

犍邑舊稱易治康熙末余年猶見訟庭清靜囹圄空虛二十年來楚粵流亡紛紛入籍食我桑黠而不懷好音使我善良俗變爲狡黠習訟獄繁興有由然矣敦教化明禮義一道德同風俗澄本清源之道司牧者所宜講明而切究

也

犍邑婦女內職克勤閨門清肅從無結伴閒遊入廟燒香之事近日細民婦女閒有事佛會醮祭者履霜堅冰似不可不防其漸也

犍人往來市廛無論貧富皆釀金飲酒名曰平伙習俗移人子衿不免司訓者所宜懲戒也

犍邑矜重名節無婚姻論財之事雖窶人頑夫猶以爲恥惟外來愚氓頗有此風附籍久者亦漸次渾化

犍邑誼重戚里無貧富相耀貴賤相凌之事雖縉紳巨族亦厚自貶損恭敬桑梓意至厚也近日無行子衿盡決堤岸不復區別漸有市儈結交胥役抗禮不以爲非者所望正人君子端重自持以挽頽俗非惟定民志亦以端士習也

犍邑風俗淳古父老所傳夜不閉戶行不裹糧非虛言也康熙六十年閒余始總角猶見適百里者不持一錢任其所之識與不識皆下榻畱宿食以雞黍明日客去不問其值與之者反怒以爲鄰近日五方雜處無復是矣惟土著者猶有此風

犍邑俗尚禮節民皆知書雖可摘有此數事較之他處猶爲仁里惟五通橋鹽廠五方雜處藏垢納汙實爲互鄉游

手賭博無賴兇狠之徒所在皆是差役訪查止填慾壑保
正糾察轉相效尤剔弊除奸之道所不敢借箸而籌者也
李峩峩曰余聞風俗與化移易今之所見已不如前將
來遷流伊于胡底惟在賢司牧與二三君子戮力而維
挽之返樸還醇當有日也敢揭之以告後來者

